



Broj: 01/1-50-1-1-72/09
Sarajevo, 3.6.2009. godine

Z A P I S N I K

72. sjednice Ustavnopravne komisije

Sjednica je održana 3. 6. 2009. godine, s početkom u 10 sati.

Sjednici su prisustvovali članovi Komisije: Šefik Džaferović, Halid Genjac, Velimir Jukić, Lazar Prodanović, Momčilo Novaković, Drago Kalabić i Martin Raguž.

Sjednici nisu prisustvovali članovi Komisije: Ekrem Ajanović i Adem Huskić.

Osim članova Komisije, sjednici su prisustvovali predstavnici: Agencije za osiguranje depozita BiH Josip Nevjestić, USAID-a Nedim Hogić i Christian Haupt, delegat u Domu naroda PSBiH Zoran Koprivica, iz Zakonodavno-pravnog sektora PSBiH Aida Kreho, te iz Sektora za odnose s javnošću PSBiH Zoran Brkić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Komisija je jednoglasno usvojila sljedeći

D N E V N I R E D

1. Usvajanje Zapisnika 71. sjednice održane 18.5.2009. godine;
2. Prijedlog zakona o znakovnom jeziku, predlagači: poslanici Beriz Belkić, Milorad Živković i Niko Lozančić (**postupak u nadležnoj komisiji u skladu s članom 110. Poslovnika Doma**);
3. Prijedlog zakona o izmjenama i dopunama Zakona o osnovama sigurnosti saobraćaja na putevima u BiH, predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku (**uskladenost s Ustavom BiH i pravnim sistemom u skladu s članom 103. Poslovnika Doma**);
4. Prijedlog zakona o dopunama Zakona o osnovama sigurnosti saobraćaja na putevima u BiH, predlagač: Dom naroda Parlamentarne skupštine BiH (**uskladenost s Ustavom BiH i pravnim sistemom u skladu s članom 103. Poslovnika Doma**);
5. Prijedlog zakona o izmjenama i dopunama Zakona o osiguranju depozita u bankama Bosne i Hercegovine, predlagač: Vijeće ministara BiH (**uskladenost s Ustavom BiH i pravnim sistemom u skladu s članom 103. Poslovnika Doma**);
6. Ostala pitanja:
 - Inicijativa poslanika Remzije Kadrića i Adema Huskića (**razmatranje Inicijative u skladu s članom 64. stav (2) Poslovnika Doma**).

Ad.1. Usvajanje Zapisnika 71. sjednice, održane 18.5.2009. godine;

S obzirom da nije bilo rasprave, Komisija je jednoglasno usvojila Zapisnik 71. sjednice.

Ad.2. Prijedlog zakona o znakovnom jeziku, predlagači: poslanici Beriz Belkić, Milorad Živković i Niko Lozančić (**postupak u nadležnoj komisiji u skladu s članom 110. Poslovnika Doma**);

Predsjedavajući je otvorio raspravu u kojoj su učestvovali članovi Komisije: Halid Genjac, Momčilo Novaković i Martin Raguž.

Na Prijedlog zakona amandman je podnio poslanik Željko Kuzmanović koji glasi:

Amandman I.

Naziv Prijedloga zakona mijenja se i glasi: „Zakon o upotrebi gestovnog jezika u organima i institucijama Bosne i Hercegovine“.

Komisija, sa dva glasa „za“, četiri glasa „protiv“ i jednim „suzdržanim“ glasom, nije prihvatila amandman I. poslanika Željka Kuzmanovića.

Komisija je nakon rasprave, sa četiri glasa „za“, bez glasova „protiv“ i tri „uzdržana“ glasa:

- prihvatila tekst Prijedloga zakona o upotrebi znakovnog jezika u Bosni i Hercegovini bez amandmana i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

Ad.3. Prijedlog zakona o izmjenama i dopunama Zakona o osnovama sigurnosti saobraćaja na putevima u BiH, predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku (usklađenost s Ustavom BiH i pravnim sistemom u skladu s članom 103. Poslovnika Doma);

Predsjedavajući je otvorio raspravu u kojoj je učestvovao delegat Zoran Koprivica ispred Zajedničke komisije za ljudska prava, prava djeteta, mlade, imigraciju, izbjeglice, azil i etiku.

Komisija je nakon rasprave jednoglasno utvrdila da postoji:

- valjan ustavnopravni osnov za donošenje Zakona;
- usklađenost Prijedloga zakona s Ustavom BiH i pravnim sistemom.

Ad.4. Prijedlog zakona o dopunama Zakona o osnovama sigurnosti saobraćaja na putevima u BiH, predlagač: Dom naroda Parlamentarne skupštine BiH (usklađenost s Ustavom BiH i pravnim sistemom u skladu s članom 103. Poslovnika Doma);

Predsjedavajući je otvorio raspravu u kojoj su učestvovali članovi Komisije: Halid Genjac, Momčilo Novaković, Drago Kalabić i Šefik Džaferović.

Komisija je nakon rasprave jednoglasno utvrdila da postoji:

- valjan ustavnopravni osnov za donošenje Zakona;
- usklađenost Prijedloga zakona s Ustavom BiH i pravnim sistemom.

Ad.5. Prijedlog zakona o izmjenama i dopunama Zakona o osiguranju depozita u bankama Bosne i Hercegovine, predlagač: Vijeće ministara BiH (usklađenost s Ustavom BiH i pravnim sistemom u skladu s članom 103. Poslovnika Doma);

Predsjedavajući je otvorio raspravu u kojoj su učestvovali direktor Agencije za osiguranje depozita BiH Josip Nevjestić i članovi Komisije Velimir Jukić i Momčilo Novaković.

Komisija je nakon rasprave jednoglasno utvrdila da postoji:

- valjan ustavnopravni osnov za donošenje Zakona;
- usklađenost Prijedloga zakona s Ustavom BiH i pravnim sistemom.

Ad.6. Ostala pitanja:

- **Inicijativa poslanika Remzije Kadrića i Adema Huskića (razmatranje Inicijative u skladu s članom 64. stav (2) Poslovnika Doma).**
- Nakon rasprave Ustavnopravna komisija jednoglasno je utvrdila da je navedena inicijativa podnesena u skladu s odredbom člana 8. Poslovnika Predstavničkog doma;
- Ustavnopravna komisija, predlaže Domu da se o ovoj Inicijativi za održavanje posebne tematske sjednice na kojoj bi se raspravljalo o dostignutom stepenu implementacije Općeg okvirnog sporazuma za mir u Bosni i Hercegovini raspravlja na narednoj sjednici Doma.

S obzirom da nije bilo više pitanja, sjednica je završena u 11 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović